

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01-_____/25

**ZAPISNIK
SA SEDME SJEDNICE
GRADSKOG VIJEĆA ZENICA
održane 10. APRILA 2025. godine**

APRIL, 2025. godine

ZAPISNIK SA SEDME SJEDNICE GRADSKOG VIJEĆA ZENICA, ODRŽANE 10. 4. 2025. GODINE

Sjednica je počela s radom u 10.17 sati.

Sjednicom je predsjedavala Snježana Vrhovac, predsjedavajuća Gradskog vijeća Zenica. Nakon uvodnog pozdrava predsjedavajuća Vijeća je konstatovala da je na današnjoj sjednici prisutno 26 vijećnika čime su se stekli uslovi za punovažno odlučivanje. Vijećnik Halil Garanović je najavio kašnjenje, a vijećnica Irma Ormanović odsustvo sa sjednice zbog bolesti.

Predsjedavajuća Vijeća je zatim pročitala Prijedlog dnevnog reda za 7. sjednicu Gradskog vijeća kako slijedi:

- 1. Zapisnik sa šeste sjednice Gradskog vijeća Zenica održane 18. 3. 2025. godine**
- 2. Prezentacija Glavnog projekta uređenja Trga Alije Izetbegovića**
IZVJESTILAC: Andrej Šetka, projektant
- 3. Prijedlog Rješenja o imenovanju Gradskog pravobranioca u Gradskom pravobranilaštvu Zenica**
IZVJESTILAC: Naila Muratović Šogolj, predsjednica Komisije za sprovođenje postupka izbora kandidata za imenovanje Gradskog pravobranioca u Gradskom pravobranilaštvu Zenica
- 4. Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku**
IZVJESTILAC: Fuad Kasumović, Gradonačelnik Grada Zenica
- 5. Prijedlog Odluke o davanju saglasnosti na osnivanje prava građenja na nekretninama u vlasništvu Grada Zenica u korist JP „ViK“ d.o.o. Zenica, u cilju realizacije Projekta „Sakupljanje i tretman otpadnih voda Zenica“**
IZVJESTILAC: Azra Hajdarević, šef Odsjeka za imovinsko-pravne poslove
- 6. Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica**
IZVJESTILAC: Lejla Brljevac, pomoćnica Gradonačelnika za urbanizam
- 7. Informacija o radu Policijske uprave I Zenica**
IZVJESTILAC: Načelnik Policijske uprave I Zenica
- 8. Prijedlog Odluke o izmjeni Odluke o komunalnim djelatnostima zajedničke potrošnje**
IZVJESTILAC: predstavnik Sektora za ekologiju i komunalne poslove
- 9. a) Informacija o realizaciji podsticajnih mjera za unapređenje privrede za 2024. godinu na području Grada Zenica**
b) Program mjera za utrošak podsticajnih sredstava namijenjenih za oblast privrede u 2025. godini
IZVJESTILAC: predstavnik Službe za privredu, gradsku imovinu i upravljanje razvojem
- 10. a) Informacija o realizaciji programa mjera za utrošak podsticajnih sredstava u oblasti poljoprivrede u 2024. godini**

b) Program mjera za utrošak podsticajnih sredstava u oblasti poljoprivrede u 2025. godini

IZVJESTILAC: predstavnik Službe za privredu, gradsku imovinu i upravljanje razvojem

11. Prijedlog Odluke o usvajanju godišnjeg plana potencijalnih projekata javno-privatnog partnerstva za 2025. godinu

IZVJESTILAC: Sumea Mujkanović, predstavnik Koordinacionog tima za pripremu prijedloga liste projekata javno-privatnog partnerstva JPP-a

12. a) Prijedlog Rješenja o razrješenju predsjednika Komisije za obilježavanje značajnih datuma, događaja i ličnosti

b) Prijedlog Rješenja o imenovanju predsjednika Komisije za obilježavanje značajnih datuma, događaja i ličnosti

IZVJESTILAC: Amra Mehmedić, predsjednica Komisije za izbor i imenovanja

13. Vijećnička pitanja i inicijative

Nije bilo prijedloga za dopunu Prijedloga dnevnog reda.

Izvještaji komisija Gradskog vijeća dostavljeni su pred sjednicu.

Vijećnik Faris Hazić je zatražio pojašnjenje sekretara Vijeća u vezi sa rokom za usvajanje Prijedloga Odluke o utvrđivanju prosječne konačne građevinske cijene 1m² korisne stambene površine na području Grada Zenica.

Vijećnica Emina Babić je dala primjedbu da je neprihvatljivo da tačka Vijećnička pitanja i inicijative bude zadnja tačka dnevnog reda i predložila pomjeranje iste na treće mjesto. U diskusiji povodom navedenog prijedloga učestvovali su vijećnici: Denan Pašalić, Namir Škaljo, Amra Mehmedić i Nermin Mehić. Predsjedavajuća Vijeća je dala na glasanje prijedlog vijećnice Emine Babić da se 13. tačka Vijećnička pitanja i inicijative stavi na broj tri o čemu su se vijećnici izjasnili sa 10 glasova „ZA“, 7 glasova „PROTIV“ i 9 glasova „UZDRŽAN“ nakon čega je predsjedavajuća Vijeća konstatovala da ovaj prijedlog nije dobio potrebnu većinu.

Vijećnici su se zatim izjasnili glasanjem o pročitanoj Prijedlogu dnevnog reda za sedmu sjednicu Gradskog vijeća i isti usvojili s 26 glasova „ZA“, bez glasova „PROTIV“ i bez glasova „UZDRŽAN“.

Tačka 1. Zapisnik sa šeste sjednice Gradskog vijeća Zenica održane 18. 3. 2025. godine

Zapisnik sa šeste sjednice Gradskog vijeća Zenica održane 18. 3. 2025. godine usvojen je jednoglasno bez primjedbi s 25 glasova „ZA“, bez glasova „PROTIV“ i „UZDRŽAN“.

Tačka 2. Prezentacija Glavnog projekta uređenja Trga Alije Izetbegovića

Prezentaciju Glavnog projekta uređenja Trga Alije Izetbegovića održao je Andrej Šetka, projektant. U toku prezentacije zbog određenih tehničkih problema sa puštanjem videa predsjedavajuća Vijeća je u 10.49 sati dala pauzu, pa je sjednica nastavila s radom u 11.03 sati.

U diskusiji o ovoj tački dnevnog reda učestvovali su vijećnici: Namir Škaljo, Nermin Mehić, Faris Hazić i Amra Mehmedić. Savjetnik Gradonačelnika Mirsad Heleg učestvovao je u diskusiji dajući određena pojašnjenja u vezi s pitanjima vijećnika učesnika u raspravi.

Po zaključenju diskusije predsjedavajuća Vijeća je konstatovala da je Vijeće ovu tačku dnevnog reda primilo k znanju i da je saglasno.

Tačka 3. Prijedlog Rješenja o imenovanju Gradskog pravobranioca u Gradskom pravobranilaštvu Zenica

Nije bilo potrebe za uvodnim napomenama.

U raspravi niko nije učestvovao.

Vijećnici su se izjasnili glasanjem o Prijedlogu Rješenja o imenovanju Gradskog pravobranioca u Gradskom pravobranilaštvu Zenica nakon čega je predsjedavajuća Vijeća konstatovala da je Prijedlog Rješenja o imenovanju Gradskog pravobranioca u Gradskom pravobranilaštvu Zenica usvojen s 19 glasova „ZA“, bez glasova „PROTIV“ i bez glasova „UZDRŽAN“.

Tačka 4. Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku

Nije bilo potrebe za uvodnim napomenama.

U raspravi niko nije učestvovao.

Vijećnici su se izjasnili glasanjem o Prijedlogu Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku nakon čega je predsjedavajuća Vijeća konstatovala da je Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku usvojen s 18 glasova „ZA“, bez glasova „PROTIV“ i 8 glasova „UZDRŽAN“.

Tačka 5. Prijedlog Odluke o davanju saglasnosti na osnivanje prava građenja na nekretninama u vlasništvu Grada Zenica u korist JP „ViK“ d.o.o. Zenica, u cilju realizacije Projekta „Sakupljanje i tretman otpadnih voda Zenica“

Uvodne napomene za ovu tačku dnevnog reda dala je Azra Hajdarević, šef Odsjeka za imovinsko-pravne poslove.

U raspravi o ovoj tački dnevnog reda učestvovali su vijećnici Amra Mehmedić i Nermin Mehić.

Po zaključenju rasprave vijećnici su se izjasnili glasanjem o Prijedlogu Odluke o davanju saglasnosti na osnivanje prava građenja na nekretninama u vlasništvu Grada Zenica u korist JP „ViK“ d.o.o. Zenica, u cilju realizacije Projekta „Sakupljanje i tretman otpadnih voda Zenica“ nakon čega je predsjedavajuća Vijeća konstatovala da je Prijedlog Odluke o davanju saglasnosti na osnivanje prava građenja na nekretninama u vlasništvu Grada Zenica u korist JP „ViK“ d.o.o. Zenica, u cilju realizacije Projekta „Sakupljanje i tretman otpadnih voda Zenica“ usvojen s 27 glasova „ZA“, bez glasova „PROTIV“ i bez glasova „UZDRŽAN“.

Tačka 6. Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica

Uvodne napomene za ovu tačku dnevnog reda dala je Lejla Brljevac, pomoćnica Gradonačelnika za urbanizam.

U raspravi o ovoj tački dnevnog reda učestvovali su vijećnici: Faris Hazić, Namir Škaljo, Nihad Durmić, Nermin Mehić, Emina Babić i Amra Mehmedić. Fuad Kasumović, Gradonačelnik Grada Zenica, Lejla Brljevac, pomoćnica Gradonačelnika za urbanizam i Almira Baručija Kapidžić, sekretar Gradskog vijeća učestvovali su u diskusiji dajući pojašnjenja.

Po zaključenju rasprave vijećnici su se najprije izjasnili glasanjem o Prijedlogu Odluke o utvrđivanju prosječne konačne građevinske cijene 1m² korisne stambene površine na području Grada Zenica nakon čega je predsjedavajuća Vijeća konstatovala da je Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica usvojen sa 18 glasova „ZA“, 8 glasova „PROTIV“ i 2 glasa „UZDRŽAN“.

Vijećnici su se zatim izjasnili glasanjem o zaključku koji je u toku rasprave predložio vijećnik Nermin Mehić da se uputi dopis prema Kantonalnom ministarstvu za prostorno planiranje i uređenje da u što skorijem periodu Savjetu plana dostavi Prednacrt Urbanističkog plana kako bi se Nacrt i Prijedlog istog što prije razmatrao i usvajao na sjednici Gradskog vijeća.

Nakon glasanja o navedenom prijedlogu zaključka predsjedavajuća Vijeća je konstatovala da je sa 25 glasova „ZA“, bez glasova „PROTIV“ i 2 glasa „UZDRŽAN“ usvojen zaključak vijećnika Nermina Mehića.

Vijećnik Faris Hazić je predložio sljedeći zaključak: „U cilju motivisanja izgradnje novih stambenih objekata, legalizacije postojećih objekata kao i podršku našim građanima prilikom rješavanja stambenog pitanja predlažem da se kao osnovica za utvrđivanje visine naknade za pogodnost gradskog građevinskog zemljišta (rente) i drugih naknada iz ove oblasti uzme 50% od prosječne konačne građevinske cijene za 1m² korisnog stambenog prostora, odnosno 2.300 KM koje usvoji Gradsko vijeće Grada Zenica za područje grada Zenica“.

Almira Baručija Kapidžić, sekretar Gradskog vijeća pojasnila je da predmetni zaključak nije u skladu sa zakonskom odedbom člana 66. Zakona o građevinskom zemljištu Federacije BiH, kojom je propisano da se kao osnovica za izračunavanje rente koristi prosječna konačna građevinska cijena iz prethodne godine m² korisne stambene površine na području općine, s obzirom da zaključak glasi da Vijeće treba da usvoji zaključak kojim se predlaže da se kao osnovica za utvrđivanje rente koristi 50% prosječne konačne građevinske cijene za 1m² korisnog stambenog prostora koju usvoji Gradsko vijeće.

Nakon pojašavanja sekretara Gradskog vijeća predsjedavajuća Vijeća navedeni prijedlog zaključka nije dala na glasanje.

Tačka 7. Informacija o radu Policijske uprave I Zenica

Uvodne napomene za ovu tačku dnevnog reda dao je Mirsad Muračević, načelnik Policijske uprave I Zenica.

U diskusiji o ovoj tački dnevnog reda učestvovali su vijećnici: Sead Bolić, Nermin Mehić, Halil Arnaut, Sedina Omeragić, Emina Babić, Almir Dračo, Namir Škaljo i Faris Hazić. U raspravi je učestvovao Fuad Kasumović, Gradonačelnik Grada Zenica koji je predložio zaključak da Ministarstvo Zeničko-dobojskog kantona iznađe zakonsku mogućnost da nadležnost za premještanje nepropisno parkiranih vozila na trotoarima i mjestima koja nisu predviđena za parkiranje u užem gradskom području prenese na gradsko javno preduzeće „Parking servis“ d.o.o. Zenica. Mirsad Muračević, načelnik Policijske uprave I Zenica odgovorio je na postavljena pitanja vijećnika učesnika u diskusiji.

Po zaključenju rasprave vijećnici su se izjasnili glasanjem o Informaciji o radu Policijske uprave I Zenica nakon čega je predsjedavajuća Vijeća konstatovala da je Gradsko vijeće jednoglasno usvojilo Informaciju o radu Policijske uprave I Zenica.

Vijećnici su se zatim izjasnili glasanjem o prijedlogu zaključka Gradonačelnika nakon čega je predsjedavajuća Vijeća konstatovala da je zaključak koji je predložio Gradonačelnik usvojen sa 16 glasova „ZA“, bez glasova „PROTIV“ i 9 glasova „UZDRŽAN“.

Nakon 7. tačke dnevnog reda predsjedavajuća Vijeća je u 13.35 sati dala pauzu u trajanju od sat vremena i najavila nastavak sjednice u 14.30 sati.

Sjednica je nastavila s radom u 14.47 sati.

Tačka 8. Prijedlog Odluke o izmjeni Odluke o komunalnim djelatnostima zajedničke potrošnje

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnici Denan Pašalić i Nermin Mehić.

Po zaključenju rasprave vijećnici su se izjasnili glasanjem o Prijedlogu Odluke o izmjeni Odluke o komunalnim djelatnostima zajedničke potrošnje nakon čega je predsjedavajuća Vijeća konstatovala da je Prijedlog Odluke o izmjeni Odluke o komunalnim djelatnostima zajedničke potrošnje usvojen sa 24 glasa „ZA“, bez glasova „PROTIV“ i bez glasova „UZDRŽAN“. Vijećnik Denan Pašalić je predložio zaključak da Sektor za ekologiju i komunalne poslove za sljedeću godinu pripremi nacrt odluke Gradskom vijeću vezano za plaćanje komunalne naknade za ona lica koja imaju dvije i više nekretnina u svom vlasništvu s tim da će ona lica koja imaju jednu nekretninu i dalje ostati oslobođena plaćanja komunalne naknade. Vijećnik Namir Škaljo se javio za riječ i predložio da se preciznije odredi da li se pod pojmom nekretnina misli na stambene jedinice jer su nekretnine i vikendica, garaža i slično, nakon čega je predsjedavajuća Vijeća dala na glasanje zaključak vijećnika Denana Pašalića sa sljedećom formulacijom: „da oni koji imaju dvije ili više stambenih jedinica budu obuhvaćeni ovom odlukom, a ko ima jednu ili nijednu da bude oslobođen“. Vijećnici su se o navedenom prijedlogu zaključka izjasnili glasanjem nakon čega je predsjedavajuća Vijeća konstatovala da je sa 24 glasa „ZA“, bez glasova „PROTIV“ i „UZDRŽAN“ ovaj zaključak usvojen.

Tačka 9. a) Informacija o realizaciji podsticajnih mjera za unapređenje privrede za 2024. godinu na području Grada Zenica

b) Program mjera za utrošak podsticajnih sredstava namijenjenih za oblast privrede u 2025. godini

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnici: Ernad Bešliagić, Namir Škaljo i Amra Mehmedić.

Po zaključenju rasprave vijećnici su se izjasnili glasanjem o Informaciji o realizaciji podsticajnih mjera za unapređenje privrede za 2024. godinu na području Grada Zenica nakon čega je predsjedavajuća Vijeća konstatovala da je Informacija o realizaciji podsticajnih mjera za unapređenje privrede za 2024. godinu na području Grada Zenica usvojena sa 26 glasova „ZA“, bez glasova „PROTIV“ i „UZDRŽAN“. Vijećnici su se zatim izjasnili glasanjem o Programu mjera za utrošak podsticajnih sredstava namijenjenih za oblast privrede u 2025. godini nakon čega je predsjedavajuća Vijeća konstatovala da je sa 26 glasova „ZA“, bez glasova „PROTIV“ i „UZDRŽAN“ usvojen Program mjera za utrošak podsticajnih sredstava namijenjenih za oblast privrede u 2025. godini.

Tačka 10. a) Informacija o realizaciji programa mjera za utrošak podsticajnih sredstava u oblasti poljoprivrede u 2024. godini

b) Program mjera za utrošak podsticajnih sredstava u oblasti poljoprivrede u 2025. godini

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnik Halil Garanović i Senada Sejmenović, stručni savjetnik za poljoprivredu.

Po zaključenju rasprave vijećnici su se izjasnili glasanjem o Informaciji o realizaciji programa mjera za utrošak podsticajnih sredstava u oblasti poljoprivrede u 2024. godini nakon čega je

predsjedavajuća Vijeća konstatovala da je Informacija o realizaciji programa mjera za utrošak podsticajnih sredstava u oblasti poljoprivrede u 2024. godini usvojena sa 26 glasova „ZA“, bez glasova „PROTIV“ i 1 glasom „UZDRŽAN“. Vijećnici su se zatim izjasnili glasanjem o Programu mjera za utrošak podsticajnih sredstava u oblasti poljoprivrede u 2025. godini nakon čega je predsjedavajuća Vijeća konstatovala da je sa 26 glasova „ZA“, bez glasova „PROTIV“ i 1 glasom „UZDRŽAN“ usvojen Program mjera za utrošak podsticajnih sredstava u oblasti poljoprivrede u 2025. godini.

Tačka 11. Prijedlog Odluke o usvajanju godišnjeg plana potencijalnih projekata javno-privatnog partnerstva za 2025. godinu

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnik Ernad Bešlagić i Sumea Mujkanović, predstavnik Koordinacionog tima za pripremu prijedloga liste projekata javno-privatnog partnerstva JPP-a.

Po zaključenju rasprave vijećnici su se izjasnili glasanjem o Prijedlogu Odluke o usvajanju godišnjeg plana potencijalnih projekata javno-privatnog partnerstva za 2025. godinu nakon čega je predsjedavajuća Vijeća konstatovala da je sa 17 glasova „ZA“, 1 glasom „PROTIV“ i 7 glasova „UZDRŽAN“ usvojen Prijedlog Odluke o usvajanju godišnjeg plana potencijalnih projekata javno-privatnog partnerstva za 2025. godinu.

Tačka 12. a) Prijedlog Rješenja o razrješenju predsjednika Komisije za obilježavanje značajnih datuma, događaja i ličnosti b) Prijedlog Rješenja o imenovanju predsjednika Komisije za obilježavanje značajnih datuma, događaja i ličnosti

Nije bilo potrebe za uvodnim napomenama.

U diskusiji o ovoj tački dnevnog reda niko nije učestvovao.

Vijećnici su se izjasnili glasanjem o Prijedlogu Rješenja o razrješenju predsjednika Komisije za obilježavanje značajnih datuma, događaja i ličnosti sa 25 glasova „ZA“, 1 glasom „PROTIV“ i bez glasova „UZDRŽAN“ nakon čega je predsjedavajuća Vijeća konstatovala da je razriješen dosadašnji predsjednik Komisije za obilježavanje značajnih datuma, događaja i ličnosti. Vijećnici su se zatim izjasnili glasanjem o Prijedlogu Rješenja o imenovanju predsjednika Komisije za obilježavanje značajnih datuma, događaja i ličnosti nakon čega je predsjedavajuća Vijeća konstatovala da je sa 21 glasom „ZA“, bez glasova „PROTIV“ i 6 glasova „UZDRŽAN“ usvojen Prijedlog Rješenja o imenovanju predsjednika Komisije za obilježavanje značajnih datuma, događaja i ličnosti.

Tačka 13. Vijećnička pitanja i inicijative

Vijećnička pitanja su postavili, odnosno vijećničke inicijative podnijeli vijećnici: Almir Dračo, Nermin Mehić, Elvis Alijagić, Amra Mehmedić, Denan Pašalić, Ernad Bešlagić, Emina Babić, Namir Škaljo, Semir Huseinović, Faris Hazić, Nihad Durmić, Mirza Husetić, Halil Garanović, Samra Arnaut, Sedina Omeragić i Fadil Arnaut.

Vijećnik **Almir Dračo** je podnio vijećničku inicijativu za umanjeње cijena usluge vrtića. Vijećnik **Nermin Mehić** je podnio vijećničke inicijative za izgradnju mosta na rijeci Vukočkoj u MZ "Jastrebac" i proširenje puta u MZ "Vukotići", te postavio vijećničko pitanje koje glasi: "Kada se može očekivati sanacija puta kroz selo Konjevići do kapele i groblja?" Vijećnik **Elvis Alijagić** je

podnio vijećničke inicijative za proširenje puta u Ulici Ivana Gundulića sa izgradnjom pješačke staze u dužini od 600 m, počevši od Trening centra do gradskog groblja Crkvice i postavljanje javne rasvjete na šetalištu u naselju Babina Rijeka i postavio vijećničko pitanje u vezi s dijelom puta u naselju Kahrmani, MZ „Topčić Polje“ koji nije urađen. Vijećnica **Amra Mehmedić** je podnijela vijećničku inicijativu za realizaciju dijela filmskog programa 31. Sarajevo Film Festivala na području Grada Zenica. Vijećnik **Denan Pašalić** usmeno je postavio vijećničko pitanje koje se odnosi na funkcionisanje gradskog prevoza na području mjesnih zajednica Radinovići i Varda. Vijećnik **Ernad Bešlić** podnio je vijećničke inicijative za postavljanje natkrivenog autobusnog stajališta na adresi Branilaca Bosne 10 i postavljanje balon hale / dvorane na dva teniska terena na Kamberovića polju. Vijećnica **Emina Babić** podnijela je vijećničku inicijativu za izgradnju javnog toaleta u urbanom dijelu grada Zenica i postavila vijećničko pitanje u vezi sa realizacijom zaključka Gradskog vijeća koji se odnosio na objavljivanje informacija koje se tiču rada Gradskog vijeća Zenica na web stranici Grada Zenica. Vijećnik **Namir Škaljo** je postavio vijećničko pitanje zašto su uz obalu rijeke Bosne, na relaciji od visećeg mosta Kamberovića polje - Bilino polje prema podvožnjaku na ulazu u Blatušu, ostale jedine tri nezamijenjene klupe pri prošlogodišnjoj zamjeni svih ostalih klupa uz obalu rijeke Bosna, zašto je do ovoga došlo, te kada će i ove klupe biti zamijenjene i podnio vijećničke inicijative za ponovno obilježavanje (farbanje) svih biciklističkih staza u gradu Zenica i uvrštavanje sanacije lokalnog puta za Mošćanicu u Plan ulaganja u putnu infrastrukturu za 2025. godinu. Vijećnik **Semir Huseinović** podnio je vijećničku inicijativu za obnovu i zaštitu Smajićkih vodenica na rijeci Bistričak. Vijećnik **Faris Hazić** podnio je vijećničku inicijativu za sanaciju i izgradnju putne i kanalizacione infrastrukture u naselju Hrustići, MZ "Klopče". Vijećnik **Nihad Durmić** postavio je vijećničko pitanje „Kada će biti izvršena sanacija pogrešno postavljenih ivičnjaka i dijela ceste na dijelu puta prema Gornjoj Zenici?“ Vijećnik **Mirza Husetić** je podnio vijećničku inicijativu za postavljanje autobusnog stajališta s nadstrešnicom u Mjesnoj zajednici „Blatuša“ na lokaciji koja se koristi kao svakodnevna stanica za gradski i prigradski prevoz, a koja trenutno nije adekvatno obilježena. Vijećnik **Halil Garanović** podnio je usmeno vijećničku inicijativu za pomoć proizvođačima u plasteničkoj proizvodnji čiji plastenici su porušeni i oštećeni usljed nepovoljnih vremenskih uslova i velikih snježnih padavina. Vijećnica **Samra Arnaut** je postavila vijećničko pitanje: „Da li postoji mogućnost za uklanjanje deponije ispod naselja Otoka, MZ „Arnauti“ i podnijela vijećničke inicijative za priključenje ambulate porodične medicine Arnauti na vodovod Ponihovo, te nabavku i instaliranje automatskog elektronskog defibrilatora u navedenoj ambulanti porodične medicine. Vijećnica **Sedina Omeragić** je podnijela vijećničke inicijative za upućivanje dopisa Federalnom ministarstvu pravde za izmjenu Krivičnog zakona i dodjeljivanje zdravstvenim radnicima statusa službenog lica i inicijativu za uređenje fontane ispred željezničke i autobuske stanice. Vijećnik **Fadil Arnaut** je podnio vijećničke inicijative za sanaciju udarnih rupa i uništene asfaltne podloge u Ulici Londža 128 i otvaranje zajedničkog naplatnog mjesta za mjesne zajednice: "Jalija", "Odmut", "Londža" i "Mokušnice".

Sjednica je zaključena i završila s radom u 16.10 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

PREDSJEDAVAJUĆA
GRADSKOG VIJEĆA
Snježana Vrhovac